

REVIZIJA FINANSIJSKIH IZVJEŠTAJA
SAVJETOVANJE U VEZI POREZA
IZVJEŠTAJ O TRANSFERNIM CIJENAMA
RAČUNOVODSTVENE USLUGE
PROCJENA VRIJEDNOSTI KAPITALA U DRUŠTVU

PROFIT-A d.o.o.

ID: 4263031170007

PDV: 263031170007

Reg. mat. br.: 1-4533-00

Sparkasse Bank: 199 045 00020 189 10

Raiffeisen Bank: 161 035 00075 100 73

IZVJEŠTAJ O TRANSPARENTNOSTI ZA 2025. GODINU

Bosanski Petrovac, 2026. godina

UVOD

U skladu sa odredbama člana 82. Zakona o računovodstvu i reviziji Federacije Bosne i Hercegovine (Službene novine FBiH 15/21) društvo za reviziju PROFIT-A d.o.o. Bosanski Petrovac donosi:

1. Opis pravne forme i strukture vlasništva društva za reviziju

PROFIT-A d.o.o. Bosanski Petrovac je društvo za reviziju, računovodstvo, porezno i poslovno savjetovanje koje je osnovano 03.10.2000. godine te je upisano kod Općinskog suda u Bihaću pod matičnim-registarskim brojem: 1-4553-00.

Federalni zavod za statistiku je društvo razvrstao pod šifru 69.20 – Računovodstvene, knjigovodstvene, revizijske djelatnosti i porezno savjetovanje.

Osnivački kapital u društvu iznosi 2.000 KM, a osnivači društva na dan donošenja ovog izvještaja su:

- Dervić Đemila - 49% što u novcu iznosi 980 KM,
- Dervić Nevzet - 51% što u novcu iznosi 1.020 KM.

Društvo posluje samostalno i ne pripada grupi.

2. Upravljačka struktura društva

Upravu društva čine direktori i prokurista, kako slijedi:

- Dervić Đemila - direktor neograničenih ovlaštenja,
- Babačić Ilda - izvršni direktor neograničenih ovlaštenja,
- Dervić Nevzet - prokurista neograničenih ovlaštenja, osim u slučaju poslovanja sa nekretninama u vlasništvu društva.

Revizorske izvještaje potpisuju ovlašteni revizori društva, a supotpisnik istih je direktor društva Dervić Đemila ili izvršni direktor društva Babačić Ilda.

3. Interne kontrole u društvu i funkcioniranje istih

Društvo osigurava sistem internih kontrola kroz usvojenu metodologiju i procedure za provođenje revizije kao i odredbi Pravilnika o metodologiji revizije finansijskih izvještaja.

Društvo je usvojilo pravilnike interne politike kontrole kvalitete koje su izrađene na bazi standarda koje je izdala Međunarodna federacija računovođa (IFAC), uključujući i Međunarodni standard kontrole kvalitete 1 (ISQC1). Osim standarda koje zahtijeva ISQC1, održavamo sustave kontrole kvalitete, koji su dizajnirani kako bi zadovoljili pravila i standarde koje je izdala revizorska komora FBiH poštujući pravilnik o minimalnom sadržaju radne dokumentacije. Naše politike odražavaju pojedine elemente kontrole kvalitete kako bi partneri i zaposlenici djelovali s integritetom i bili objektivni, temeljito obavljali svoj posao, a sve u skladu s važećim zakonima, propisima i profesionalnim standardima. U nastavku slijedi sažetak ključnih politika, stavova, ponašanja i postupanja kojima osiguravamo kontinuirano održavanje visoke razine kvalitete revizije.

Sjedište	Tel: + 387 37 883-102	Podružnica Bihać	Tel: + 387 37 352-245
Trgovačka 35.	Tel: + 387 37 883-103	Mehmeda Džanića CB2, L2	Mob: + 387 66 000-041
77250 Bosanski Petrovac	Fax: + 387 37 883-104	77000 Bihać	Fax: + 387 37 328-044
Bosna i Hercegovina	E-mail: profit.a@bih.net.ba	Bosna i Hercegovina	E-mail: profit.biro@bih.net.ba

Sistem kontrole kvalitete društva obuhvata sljedeće ključne elemente:

- Odgovornost uprave za kvalitetu rada
- Etički zahtjevi
- Ljudski resursi
- Obavljanje angažmana

Odgovornost Uprave za kvalitetu rada

Naša Uprava se zalaže i poduzima sve radnje koje su potrebne da se osigura kvaliteta, nezavisnost, objektivnost i etičko ponašanje. Poduzimaju se aktivnosti za naglašavanje aspekta važnosti „održavanja u kvaliteti”. Isto je sadržano u redovnim sastancima naše Uprave sa svim zaposlenicima. Zaposlenici se upoznaju o novim standardima i povezanim smjernicama koje služe kao pomoć u pružanju visoko kvalitetne usluge našim klijentima. Ovim postupcima naša Uprava u svakoj prilici želi naglasiti važnost zadržavanja standarda kvalitete na svakodnevnom nivou.

Etički zahtjevi

a) Integritet i objektivnost

Ugled i uspjeh društva PROFIT-A d.o.o. ovisi o profesionalnosti i integritetu Uprave i zaposlenika. Svi zaposlenici dužni su poštivati etičke standarde u skladu sa relevantnim revizorskim standardima. Navedeni standardi zahtijevaju da naši zaposlenici postupaju s integritetom, objektivnošću, kompetentno i s dužnom pažnjom, da poštuju povjerljivost i da se ponašaju profesionalno. Naši etički standardi u potpunosti udovoljavaju etičkom kodeksu IFAC-a. Zaposlenicima prilikom zapošljavanja u našem društvu obavezno se predoči da moraju potpisati Izjavu o tajnosti i povjerljivosti podataka naših klijenata.

b) Neovisnost

PROFIT-A d.o.o. poštuje pravila vezana za neovisnost sukladno revizorskim standardima, kao i restriktivna lokalna pravila struke i regulatorna pravila. Društvo prati usklađenost s regulatornim i stručnim zahtjevima kao i zahtjevima za neovisnost našeg društva koji se odnose na financijske udjele u društvima-klijentima, poslovne odnose i uslužne odnose s njima. Našim klijentima dostavljamo ovjerenu i potpisanu Izjavu o neovisnosti.

Ljudski potencijali

a) Zapošljavanje

Svjesni smo da je kvaliteta obavljenih revizijskih angažmana ovisna o kvaliteti osoba koje zapošljavamo. Stoga je društvo PROFIT-A d.o.o. ustanovilo politike i postupke oblikovane kako bi mu pružile razumnu garanciju da ima dovoljno osoba sa sposobnostima, kompetentnošću i privrženošću etičkim načelima potrebnog za obavljanje svojih angažmana u skladu sa standardima profesije i zahtjevima regulativnog i zakonodavnog tijela.

b) Profesionalni razvoj

Obuka je trajan proces. Započinje prilikom zapošljavanja osobe i nastavlja se tokom cijele karijere te osobe. Naši zaposlenici sudjeluju u različitim lokalnim formalnim obukama, a također se kontinuirano obučavaju kroz posao. Područja koja su pokrivena edukacijom uključuju temeljne kompetencije u računovodstvu, reviziji i neovisnosti, kao i specijalizirana područja na kojima pojedinac radi (specifične industrije). Svi zaposlenici kontinuirano se obučavaju, razvijaju i educiraju, te su neposredno uključeni u školovanje zaposlenika kroz posao. Ključna odgovornost Uprave i ovlaštenih revizora je rad sa svim

Sjedište	Tel: + 387 37 883-102	Podružnica Bihać	Tel: + 387 37 352-245
Trgovačka 35.	Tel: + 387 37 883-103	Mehmeda Džanića CB2, L2	Mob: + 387 66 000-041
77250 Bosanski Petrovac	Fax: + 387 37 883-104	77000 Bihać	Fax: + 387 37 328-044
Bosna i Hercegovina	E-mail: profit.a@bih.net.ba	Bosna i Hercegovina	E-mail: profit.biro@bih.net.ba

zaposlenicima; trening, nadzor, obučavanje, razmjena iskustava i biti primjer svim zaposlenicima. Društvo također osigurava poštivanje profesionalnih standarda o povremenoj količini i cikličkoj prirodi potrebnog stručnog obrazovanja. Također, ovlašteni revizori u potpunosti su uključeni u kontinuirani program obrazovanja kroz seminare koji su obavezni za stjecanje uvjeta za obnavljanje licence za obavljanje revizije.

c) Nadzor i usmjeravanje

Ovlašteni revizori na čelu angažiranog tima imaju odgovornost, na određeni projekt alocirati stručno osposobljene zaposlenike koji imaju potrebno iskustvo u datim okolnostima. Nadalje, oni su odgovorni za utvrđivanje opsega usmjeravanja, nadzora i pregleda rada manje iskusnih zaposlenika kojima je posao delegiran.

Obavljanje revizije

Konsultacije su ključni element kontrole kvalitete. Ako se ovlašteni revizor na reviziji ne slaže sa savjetima naših stručnjaka, postoji formalni proces za nastavak rasprave unutar našeg zapovjednog lanca dok se pitanje ne razriješi, uzimajući u obzir stav tih stručnjaka. Ključna odgovornost revizora zaduženog za upravljanje rizicima je da budu sastavni dio postupka prihvatanja i zadržavanja klijenata, odgovoran je za procjenu rizika na kvalitativnoj i kvantitativnoj osnovi. Zaduženi za upravljanje rizicima moraju, gdje je potrebno, biti aktivno uključeni u projektne timove u svrhu konsultacija o pitanjima i prosudbama, kao što su razmatranja o nastavku poslovanja. Uprava našeg Društva smatra da je gore opisano okruženje kontrole kvalitete u skladu sa svim primjenjivim propisima i da pruža razumnu osnovu za uvjerenje da su zakonski obavezne revizije za 2025. godinu koje obavlja PROFIT-A d.o.o. kontinuirano u skladu s potrebnim standardima kvalitete.

4. Eksterna provjera kvalitete rada društva za reviziju

Društvo svake godine ima direktnu kontrolu od strane Revizorske komore putem upitnika. Društvo redovno dostavlja izvještaje prema Ministarstvu financija Federacije FBiH u vezi zaključenih i realiziranih ugovora o obavljanju reviziji.

5. Spisak pravnih subjekata od javnog interesa koji su bili klijenti revizije u 2025. godini

U toku 2025. godine društvo PROFIT-A d.o.o. Bosanski Petrovac je izvršilo reviziju slijedećih pravnih subjekata od javnog interesa:

- JKP Rad d.o.o. Ključ
- JU Općinski fond za komunalne djelatnosti i infrastrukturu Sanski Most
- JKP Vodovod d.o.o. Cazin
- JKP Čistoća d.o.o. Cazin

Sjedište	Tel: + 387 37 883-102	Podružnica Bihać	Tel: + 387 37 352-245
Trgovačka 35.	Tel: + 387 37 883-103	Mehmeda Džanića CB2, L2	Mob: + 387 66 000-041
77250 Bosanski Petrovac	Fax: + 387 37 883-104	77000 Bihać	Fax: + 387 37 328-044
Bosna i Hercegovina	E-mail: profit.a@bih.net.ba	Bosna i Hercegovina	E-mail: profit.biro@bih.net.ba

6. Izjava o neovisnosti društva za reviziju

Uprava društva PROFIT-A d.o.o. ovom Izjavom potvrđuje da je obavljen unutarnji pregled poštivanja zahtjeva o neovisnosti. Svi zaposlenici društva prate stroge regulatorne i stručne zahtjeve za neovisnošću. Kontinuirano se ispituju sva pitanja s obzirom na prihvaćanje klijenta. Sukladno Kodeksu profesionalne etike revizora i odredbama Zakona o računovodstvu i reviziji FBiH, zaposlenici društva u cijelosti poštuju standarde neovisnosti u cilju izbjegavanja sukoba interesa koji bi mogli utjecati na integritet, objektivnost i nepristranost u pružanju usluga našim klijentima.

7. Kontinuirana profesionalna edukacija i usavršavanje ovlaštenih revizora

Društvo PROFIT-A d.o.o. zapošljava ukupno 10 zaposlenika, od toga su 2 ovlaštena revizora. Svi zaposlenici se kontinuirano usavršavaju kod ovlaštenih konsultantskih kuća koje imaju odobrenje od Saveza RiR FBiH, a revizori se dodatno usavršavaju na seminarima koje organizira Revizorska komora FBiH. Zaposlenici imaju pristup stručnoj literaturi te se na taj način samoeduciraju. Pored navedenih vidova edukacije, društvo interno organizira dva godišnja seminara na kojima predavači budu zaposlenici društva, a odabir tema bude u skladu sa trenutnim aktuelnim pitanjima iz oblasti računovodstva, revizije ili poreznih propisa.

8. Poslovni prihodi koje je društvo ostvarilo u 2025. godini

Društvo je za period 01.01.2025. do 31.12.2025. godine ostvarilo prihode u ukupnom iznosu od 790.223 KM, a struktura istih je kako slijedi:

- Prihodi od usluga revizije.....138.500 KM
- Prihodi od računovodstvenih usluga468.533 KM
- Prihodi od ostalih usluga.....171.512 KM
- Ostali prihodi.....11.678 KM

9. Naknade i primanja ovlaštenih revizora koji potpisuju revizorske izvještaje o obavljenim revizijama pravnih subjekata od javnog interesa

Primanja ovlaštenih revizora koji potpisuju revizorske izvještaje o obavljenim revizijama pravnih subjekata od javnog interesa su regulisana zaključenim ugovorima o radu. Jednom ovlaštenom revizoru, koji je ujedno i većinski vlasnik društva, se isplaćuje i dividenda po osnovu vlasništva u društvu.



PROFIT-A d.o.o. Bosanski Petrovac

Ilda Babačić
Babačić Ilda, izvršni direktor društva

Sjedište
Trgovačka 35.
77250 Bosanski Petrovac
Bosna i Hercegovina

Tel: + 387 37 883-102
Tel: + 387 37 883-103
Fax: + 387 37 883-104
E-mail: profit.a@bih.net.ba

Podružnica Bihać
Mehmeda Džanića CB2, L2
77000 Bihać
Bosna i Hercegovina

Tel: + 387 37 352-245
Mob: + 387 66 000-041
Fax: + 387 37 328-044
E-mail: profit.biro@bih.net.ba

SADRŽAJ

UVOD	2
1. Opis pravne forme i strukture vlasništva društva za reviziju	2
2. Upravljačka struktura društva	2
3. Interne kontrole u društvu i funkcioniranje istih.....	2
4. Eksterna provjera kvalitete rada društva za reviziju	4
5. Spisak pravnih subjekata od javnog interesa koji su bili klijenti revizije u 2025. godini.....	4
6. Izjava o neovisnosti društva za reviziju	5
7. Kontinuirana profesionalna edukacija i usavršavanje ovlaštenih revizora	5
8. Poslovni prihodi koje je društvo ostvarilo u 2025. godini.....	5
9. Naknade i primanja ovlaštenih revizora koji potpisuju revizorske izvještaje o obavljenim revizijama pravnih subjekata od javnog interesa	5

Sjedište
Trgovačka 35.
77250 Bosanski Petrovac
Bosna i Hercegovina

Tel: + 387 37 883-102
Tel: + 387 37 883-103
Fax: + 387 37 883-104
E-mail: profit.a@bih.net.ba

Podružnica Bihać
Mehmeda Džanića CB2, L2
77000 Bihać
Bosna i Hercegovina

Tel: + 387 37 352-245
Mob: + 387 66 000-041
Fax: + 387 37 328-044
E-mail: profit.biro@bih.net.ba